

神道大編歷宗通儀

神道大編曆宗通議卷第十一

七曜天體循環論

太祖洪武十年春暇論乾旋之理日月五星運行之道翰林黃鄰郭傳等以蔡氏言天體左旋日月亦左旋天健疾日月不及天一度月遲於日不及天十三度謂不及天為天所棄也朕聞斯論將謂至罕矣及諸儒將尚書之註一一細為分解朕方知蔡氏之謬也蔡氏可謂當時過

庸愚者故作聰明以註書其註纏度所言乾旋  
之道但知膚不究其肌不格其物以論天象是  
以以己意之順亂乾道之順以己意之逆亂乾  
道之逆朕自起兵以來與知天文精曆數者畫  
夜仰觀俯察二十有三年知天體左旋日月五  
星右旋此非一日之辨辨非尋常之機因與群  
雄並驅欲明休咎特用心焉故知日月五星右  
旋之必然也今蔡氏以進曰退以退曰進朕謂

諸儒曰何故典籍黃鄰代蔡氏曰以理希是首  
以天疾行晝夜三百六十五度行健也次以理  
日當繼之不及天一度末以太陰之行不敢過  
太陽特不及天十三度此因意僻着而為理所  
以順亂逆逆亂順是也所謂蔡氏之僻者但見  
日月在天周流不息安得不與天順其道而並  
馳既駛矣安得不分次序而進此蔡氏之機理  
不見也夫日月五星之麗天也除太陽陽剛而

人目不能見其行於列宿之間所行舍次盡在  
數中分曉其太陰與夫五星昭昭然右旋緯列  
宿於穹壤其太陰之行疾而可稽驗者若指一  
宿為主使太陰居列宿之西一大許若天晴氣  
爽正當望日則盡一夜知太陰右旋矣何以見  
蓋列宿附天舍次定而不動者其太陰居列宿  
之西一大北月未入地時而行過列宿之東一  
夫曉然今蔡氏所言不過一晝夜一循環為之

理說差多矣且天覆地以地上仰觀平視則天  
行地上所以行地上者以十二方位驗之定列  
宿之循環是也其日月附於天以天上觀之以  
列舍不動之分則日行上天右旋驗矣故天大  
運而左旋一晝夜一周三百六十五度小運之  
旋一晝夜西行一度一年一周天太陽同其數  
太陰一晝夜行十三度一月一周天此日月細  
行之定數也其日月一晝夜一周天未嘗西行

也乃天體帶而循環見其疾速也此即古今曆  
家所言蟻行磨上的論吾為斯而着意因蔡氏  
不窮稽於理以郭傳黃鄰等分本蔡氏之謬言  
意在刑其人以識後人特勅三番入禁而又權  
釋之矣

周東臯治曆三攷

曆元攷

黃帝迎日推策而曆數已明傳及堯舜以至三代而法漸著然原其要不過隨時考驗求合於天而已自漢劉歆造三統曆始立積年日法以爲推步之准以一十四萬四千五百一十有一爲積年以黃鍾八十一爲日法歷一百八十餘年而法不行矣迨及魏晉以迄唐宋其更元改



法者皆有積年日法而行之愈不能久有百年而改者有三四十年而改者有一二年而即改者是何也蓋天有不齊之運而曆拘一定之法不知順天以求合故也元初承用金大明曆耶歷楚材知大明曆積久後天之弊乃損節氣之分減周天之秒去交終之率治月轉之餘課而曜之先後調五行之出沒以正其失遂造庚午元曆然亦未為精也改漢太初至元授時治曆

者八十餘次創法者十有三家而稱善者不過  
太初大衍授時而已蓋太初之曆以黃鍾定大  
衍之曆以著策成授時之曆以晷景攷曆起於  
鍾律固正也然聲氣之元不易求曆起於著策  
固善也然揲扐之數有一定惟晷景就日之體  
實為精密元許衡王恂等作授時曆去古附會  
之說專以攷測為主蓋古攷景驗氣之法必擇  
地平衍設水準於繩墨植表其中晷然表短則

尺寸之下分秒難別表長則分寸稍長深或不  
便蓋景虛而淡惟難得其寔耳前人有欲就虛  
景之中攷求其寔或設望桶或置小表皆取表  
端日光下至圭面之景亦未得其真也郭守敬  
等制以銅為之使其堅固而無風雨傾邪之患  
增高三十六尺首端飾以二龍舉一橫梁下至  
圭面共四十尺是為八尺之表五名曰長表別  
創一器名曰景符制以銅葉以方闊為趺設機

軸開圓冲穿一竅若針芥然指其一端使其勢  
斜倚北高而南下日臨中午數貫日光下至圭  
面僅如米許隱然見橫梁於圭面之上實得中  
景斯不容有毫末之差也雖四海所測之景不  
同然其景極長為冬至極短為夏至則一矢叅  
以遠近日晷擬其術笑酌其中而用之以歲前  
冬至所得日時分秒為氣應以冬至距朔之日  
為閏應而歷代所為積年之法俱廢矣以日為

萬分分爲百秒而歷代所爲日法俱廢矣置歲  
周加氣應滿旬周去之即來歲之冬至置中積  
加閏應滿朔寔去之即來歲之閏餘所謂順天  
以求合而不爲合以驗天也然治曆歲久而有  
歲差之弊者雖書云周天周歲皆三百六十有  
五四分度之一此特舉其繁耳蓋天運之分常  
有餘歲周之分常有不足其差甚微人物不覺  
迨漢末劉洪始覺冬至後天以天爲天以歲爲

歲謂周餘分太強乃作乾象曆減歲餘分二千  
五百為二千四百六十二謂歲當有差因立歲  
差之法至晉虞喜以為五十年退一度宋何承  
天以為太過倍之而又不及劉焯拆取二家中  
數以為七十五年退一度折之近是然不過揣  
懷未得其真據也郭守敬等精思密索候筭周  
詳減周歲為三百六十五日二十四分二十五  
秒加周天為三百六十五度二十五分七十五

秒強弱相減餘一分二十五秒歷六十六年有  
奇而日退天一度定為歲差後以統典中星攷  
之其時冬至日在女虛之交及攷前史漢元和  
二年日在斗二十一度晉太元九年退在斗十  
七度宋元嘉十年退在斗十四度末梁大同十  
年退在斗十二度隋開皇十八年猶在斗十二  
度唐開元十二年退在十九度斗元主元十八  
年退在箕十度至今嘉靖壬寅年退在箕有六

度取其距今之年距今之度較之多者七十餘  
年少者不下五十年輒差一度大抵合六十六  
年有奇而日却天退一度歲差由斯而立日躔  
由斯而得也古之曆合於時必不能通於古密  
於古必不能驗於時授時曆以之攷古則增歲  
餘而損歲差以之推來則增歲差而損歲餘上  
推春秋獻公二千一百六十餘年冬至類皆胎  
合可謂密矣而又四海測驗凡二十有七處可



謂精矣自至元十八年辛巳為元至今壬寅年  
計二百六十餘年以歲差之法推之則今冬至  
日躔赤黃二道宿次度分已退天將及四度矣  
其每年所推躔離氣候未必無爽議者謂法行  
既久積微漸著不能無差也今其曆法儀象等  
器尚存皆可攷據惟在至天下之曆者然後可  
以治之而明時焉

氣盈朔虛致閏攷

天體至圓縱橫皆三百六十五度二十五分七十五秒遠地左旋常一日一周而過一度日麗天而右行日行一日雖隨天左轉而寔東行一度積三百六十五日二十四分二十五秒名為歲周而與天會是一歲日行之數也歲有十二月月有三十日其三百六十日是一年之常數也歲週內減常數及餘分餘為日與天會而多

五日二千四百二十五分名曰氣盈乃是一年  
氣盈出之數也虛者朔虛也月麗天而亦右行  
月行一日亦隨天左旋而寔行東一十三度三  
十六分八十七秒半積二十九日五千三百零  
五分九十三秒名為朔策而與日會凡十二會  
得全日及餘分三百五十四日三千六百七十  
一分一十六秒是一歲月行之數也常數內減  
全日及餘分為月與日會而少五日六千三百

二十八分八十四秒名曰朔虛乃是一年縮去  
之數也以所得氣盈朔虛之數併之是為一歲  
閏率十日八千七百五十三分八十四秒以三  
年乘之得三十二日六千二百六十一分五十  
二秒為三歲一閏之數以五年乘之得五十四  
日三千七百六十九分二十秒為五歲再閏之  
數也以十九年乘之得二百零六日六千三百  
二十五分九十六秒以朔策而一少八百餘分

而成七閏是何也蓋授時曆天周之度有餘分  
歲周之度常不足故少八百餘分古曆周天周  
歲全策之外皆四分之一故曆一十九年而歲  
七閏以此無欠無餘則氣朔分齊名爲一章也  
月內無中氣即爲閏月也又驗之斗柄所指之  
方正月指寅二月指卯惟閏月斗柄斜指丙辰  
之間也爲三年而不置閏則春之一月入於夏  
而時不定積久閏至三失則春皆入夏而歲不

成寒暑反易農桑失時故必餘日置閏然後四時不差而歲功成矣

交食攷

日月之交食加時有早晚食分有淺深惟演加時必本於躔離朏朓攷求食分必原於距交近遠苟太陽之入氣盈縮太陰之入轉遲疾未得其正則合朔不失於先必失於後合朔既失於先後則虧復時刻豈能不棄也蓋日行一度月

行十三度有奇言其平行也二十九日有奇而  
會言其經朔也經朔即古謂平朔也日乃陽精  
一歲一周天然日行有盈縮而盈縮均有損益  
焉歷行四序又有不同者也月乃陰精歷二十  
七日二十一分有奇為一交終之數然月行有  
遲疾而遲疾均有初末焉蛇行九道又有不同  
者也古法簡而未密止用平朔故月一大一小  
以致日食或在朔二月食或在望之前後漢魏

以後日食多在晦其弊以用平朔也漢張衡候  
月行之遲疾之理分爲九道宋何承天攷日行  
有盈縮之差推定大小餘又以盈縮遲疾之數  
而損益經朔始有定朔寔理數之精妙者也隋  
劉孝孫及劉焯歆遵用其法時議排詆以爲迂  
怪卒不能行訖唐麟德元年李淳風造甲子元  
曆而定朔之法始行矣元郭守敬等造授時曆  
宗而用之則一以辰集時刻所在之日爲定朔



夫定朔立則交會之日時不紊矣交會準則天  
運之先後可驗矣復考南北二極之中橫絡天  
體以紀宿度者赤道也出入赤道為日行之軌  
者黃道也所為白道與黃道交貫月行之所由  
也古人隨方立名分為八行與黃道而九竄而  
言之其寔一也因其月行有委蛇曲折之數隨  
交遷徙變動不居故強以方色名之月道出入  
日道兩相交值當朔則日為月所掩當望則月

為日所衝故皆有食然涉交有遠近食分有淺  
深皆可擬數推之凡日月同度而合為之朔衝  
分天中為之望通一遐三謂之弦光盡體魄為  
之晦黃白道相貫為之交日月體相遇為之會  
當交會兩相遇者食也日食則月掩其日體而  
為之日食月食則月行侵入於暗虛之體而為  
之食夫如朔月行在黃道之下為外為陽曆而  
上為內為陰曆行陰曆去交前後八度陽曆去

前後六度者名為日入食限而月體漸掩太陽而為日食之如月道行陰曆乃在黃道之上西北而漸下行去東南在黃白道交前度是月掩其日體之內故日雖西食而亦帶北焉故初虧西北甚於正北復於東北如月道月陽曆乃在黃道之下西南而漸上行去東北在黃白道交後度是月掩其日體之外故日雖西食而亦帶南焉故初虧西南甚於正南滿於東南望而月

行至交前後四度之上十三度五分之內者皆  
月微侵暗虛南北之體此為入交淺夫如月道  
行陰曆乃亦居黃道之上西北而漸下行去東  
南在陰陽曆未分之前度是月微侵暗虛之內  
故月雖東食而亦帶南焉所以初食東南甚於  
正南圍於西南月道如行陽曆乃亦在黃道之  
下西南而漸上行去東北在陰陽曆未分交之  
後度是月體漸侵入暗虛體之外故月雖東食

而亦帶北焉則始虧東北甚於正北全於西北  
其日月之在黃白道交前度食者皆為白道漸  
離黃道遠矣故月雖食而漸疎退若在陰陽曆  
未分交之後度食者皆為白道漸密與日道近  
矣故月食而漸親焉月道如行至交前後三度  
之內者所入近交為既限深矣凡日月食在八  
分已上者是日月行至黃白道相交之處乃在  
既限之內並無偏於南北之勢故無論陰陽曆

交前後度俱起復正東正西皆據平地而論之  
也更當審其黃道斜正廣狹攷其六體升降低  
昂則日月所食起復方位自無謬矣日月之體  
古今治曆者約為各徑十分閭虛之體倍日之  
徑故日食不過十分月食不及二十分明矣元  
史治曆測驗之法自近日以至遠日近地以至  
遠地東極高麗西至溟池南踰朱崖北盡鐵勒  
可謂精矣又上攷往古自春秋詩書所載虧食

無不昭合可謂密矣近年交食之際有先天後  
天之不同而不能一一密合議者謂法久不能  
無差惟欲得其人而更正之可也

唐荆川與萬思節論曆書

承示途中遇陰及當局冷眼之說足知新功甚  
慰甚慰熱處冷得絕勝冷處冷得然陰處惶惑  
原是易處錯過不曾做得功夫也易論學每以  
涉川為說故曰作易者其有憂患乎所謂終身  
之憂也吾友間居少過却是不曾抖擻提醒精  
神吾固預憂吾友涉川之難今吾友自知之矣  
自此緊着功夫常常從危處操心常如與天吳



河伯對壘毀譽利害諸聞悉與照破即此間一切大川何所不利涉也先輩云聖人於困險中有至樂於安平中却是有至憂然哉吾每欲與大洲兄相會乃欲相與證明絕學非曆數之謂也然曆數自郭氏以來亦成三百餘年絕學矣國初技得一元統僅能於守敬下乘中下得幾句註脚監中二百餘年拱手推讓以為曆祖吾向來病劇中於此術偶有一悟頗謂神解而自

笑其為屠龍之技無所用之亦嘆世無可語者  
近得來書乃知復有透曉如大洲者在也一快  
一快但不知大洲所謂透曉而曆官所不解者  
何所指耶豈所謂曆理者七政盈縮遲疾之所  
以然如元史所載王恂李謙曆議及綠督氏華  
象書之類獨能洞其精微是曆官祇知其數而  
吾輩獨能明其理遂指此為透曉而曆官所不  
解者耶蓋昔者太史造曆既已測定日躔盈縮

月離遲疾去極遠近渾淪得一天籒在胸膈中  
而欲傳之形器之間以為曆本則是以數寸笑  
子握住萬古宇宙轉運蓋甚難下手此予長所  
謂太初曆既已測候而姓與都等不能為笑之  
時也古曆大衍為精一行和尚藏却金針世徒  
傳其鴛鴦譜耳於是守敬獨得一法曰弧矢圓  
筭如所謂橫弧矢立弧矢赤道變為黃道黃道  
變為白道者最為圓機活法自此黃赤白三道

之畸零可齊而氣朔之差可定此法不惟儒生  
不曉而三百年来曆官亦盡不曉矣今監中有  
一書頗秘名曰曆源者郭氏作法根本所謂弧  
矢圖術類在焉試問之曆官亦樂家一亞鐘耳  
豈大洲所謂透曉而曆官所不曉者蓋謂此耶  
若所指如前說雖極精微幽眇猶是儒生套子  
所指如後說雖若九九綴術乃是寔得之煩問  
之大洲求一轉語見示當更有請教夫六藝之

學昔人以為數可陳而義難知在今日曆家却是義可知而數難陳蓋得其數而不通其義者有之矣若謂得其理而不得其數則施之實用既無下手處而并其所謂義者亦脫空影響非真際也雖然今曆家自謂得其數矣今曆家相傳之數如曆經立成通軌云云者郭氏之下來也死數也弧矢圖術云云者郭氏之上來也活數也死數言語文字也活數非言語文字也得

其活數雖撇翻一部曆經不留一字盡創新法  
亦可以不失邵氏之意得其死數則挨牆傍壁  
轉身一步別矣夫知曆理又知曆數此吾之所  
以興儒生異之知死數又知活數此吾之所以  
與曆官異之理與數非二也數者理之是致用  
處也活數死數非二之死數者活數之所寄也  
近見一二儒者亦有意象數之學然不得其傳  
則往往以儒者範圍天地之虛談而欲蓋通疇

人布笑積分之是用不知豈便吃爾蓋過了也  
後世儒生所論六藝徃徃而然不特曆也大洲  
其於吾言有合耶否耶揚子雲曰通天地人曰  
儒通天地而不通人曰伎通乎天地之曆數而  
未必通乎身心之曆數者又一行守敬輩之所  
以為蔽也今未暇論之雖然所欲請教於大洲  
者其大者百未一舉之而輒殞。及此毋乃以  
我不知務乎紙言及此一笑吾友欲吾舉曆家

一二緊要語與大洲引證如步日躔中盈初縮  
末限用立差三十一平差二萬四千六百此死  
數也又如步月離中用初末限度一十四度六  
十六分此死數也曆家知據此死數布筭而已  
試求其所以為平差立差之原與十四度六十  
六分之數從何處起則知活數矣似此只舉一  
兩件更不費辭也活數者如揲著求卦之初參  
伍錯縱而陰陽未分者也如死數者如卦畫已



成之後為九為六而陰陽既定者也

唐荆川又與萬思節論曆書

來書謂趙大洲主測候吾主布算此說未之盡也布算未有不始於測候測候未有不寄之布算而可以造曆者兩者相須如足與目但測候之法元史所載簡仰二儀今時人子弟亦稍能用之而學士大夫亦有曉之者及趙緣督輩爰書測經度之法測緯度之法尤更分曉吾是以略而不言且吾前書所引史記曆書中語太初

曆既已測定而姓與都等不能為笑自古造曆  
亦每病布笑之太難此一行守敬所以獨擅專  
長司馬公是星曆專家其史記曆書是說自家  
屋裏說話細讀其叙作太初曆始末其意可識  
也雖然使人皆輸班自可以目定方圓而不必  
規矩使人皆養和自可隨時測候而不必布笑  
以成曆故布笑以成曆者今後可繼也此堯典  
中亦自了了其賜谷昧谷四段則測候也其閏

月成歲數語則布美虛盈以造曆也但古文簡  
約而不詳耳今渾天儀象自漢相傳以爲羲和  
之遺則測候之器尚在而布美之法獨不傳竊  
意其法昔傳比之一行守敬留更簡易密敘矣  
蓋古人心學精微圓範天地與後世術家自別  
及今所傳周髀算經而託之於周公雖真不可  
知豈亦有羲和布美之遺乎而後世曉了者亦  
少矣

唐荊川書張方齋曆書後

曆法有寔測有布筭漢史載唐都等作太初曆  
測候既定奏不能為筭願募天下善者筭乃得  
洛下閎而曆始成可見測候布筭原是兩事雖  
是兩事而其寔相首尾以致用也不先之以測  
候則七政之行度無准不繼之以布筭則不可  
以起數而造曆然所謂布筭者亦不過以紀其  
所測候之數而已是測候為重也有唐都無洛

下閏造不得曆有洛下閏無唐都亦造不得曆  
元郭太史深識此意而其天度歲寔及冬至及  
黃赤道出入度月平行度一切取之寔測至於  
朱崖鐵勒亦其測候所列更無差誤而後布筭  
為今元史載測冬至法最詳其載天度歲寔及  
黃赤道出入度及月平行度下皆註寔測二字  
以為此數事乃窺天起曆之首決不可以布筭  
求亦決不可以往事據也今張君乃取自黃帝

以至有元辛巳歲數及日數以相除而得歲寔  
以此為起曆之准夫千百世之遠千萬日之多  
有何真本曆頭甲子譜累代寶藏以至張君張  
君亦從何考信而知其所謂百四十五萬七千  
四百餘日者更無一日之多少於其間乎若其  
少有差誤則所謂天度歲寔者不可信矣天度  
歲寔不可信則一部曆法皆不可信矣且天與  
七政晝夜轉運萬古確然示人非瞽人皆可得

見最不可得而欺而千百世之遠千萬日之多  
則所謂雖巧曆亦有所不能盡最可得而那移  
遷就今不考目前近事非瞽人則皆見者以為  
有准而尺取遠年無據陳案巧曆之所不能書  
者以為可信然則那移遷就之弊安保其必無  
而安在其不可得而欺乎郭氏歲寔三百六十  
五萬二千四百二十五分張君歲寔三百六十  
五萬二千四百十七分九十秒一微比郭氏減



七分有奇今所錄張氏曆書不載天度斗分不知仍用四分度之一否也若既減歲寔又減斗分則亦與郭氏舊法何異若不減斗分而仍用四分度之一則日行太弱不得八十年而差一度矣歲寔既弱於舊則朔寔月平行度亦隨之而減無足怪已或曰然則古所謂曆元者皆非歟曰古所謂曆元者非布算而得之也乃據其時七改運行之度測候既定然後逆推而上之

千百世之遠三何時則當日月合而五星聯七  
政均齊是為曆元耳然則曆元起於測候非起  
於布筭也或曰民間無測候器此儒生治曆者  
之所以難也是則然哉附張氏曆書與郭氏異  
者數條起黃帝己巳七年至至元辛巳歲積三  
千九百七十二年得積日一百四十五萬七百  
四十日六百分以積年除積日得歲寔三百六  
十五萬二千四百一十七分九十秒一微朔寔

授時二十九萬五三〇五九三今減七十五微  
轉日授時法以朔寔除天周得月平行十二度  
三十六分八十七秒八多三數古法以章歲除  
章朔得月行度假如一章一十九歲二百三十  
五朔除之得月行度一十二度三十六分八十  
四秒〇四以日在天上二十九周除月在天上  
二百五十四周得月行一十三度三十六分八  
十四秒〇四

秘抄神道大編論曆全書卷第十二終

神道大編曆宗通議卷第十

皇明大統萬年通議

日度

冬夏二主乃陰陽之始春秋二分乃陰陽之交  
中曆之元首於冬至本陽之始也西曆之元首  
於春分據交之初也申曆太陽冬至起於子中  
夏至在於午中春分交於酉中秋分交於卯中  
然天道左旋其運平舒日道右纏其轉漸縮初

雖微差積久移宿堯時冬至度尚在虛漢唐入  
斗至於元明東入箕矣西曆積年起於阿剌必  
年即隨開皇己未歲之隋在漢唐之間正當冬  
至在於丑之斗宿夏至在於未之井宿春分之  
交在於戌而秋分之交在於辰蓋以二至移次  
而二分亦移宮矣其交初不在於金牛酉宮而  
在於白羊戌宮故以白羊戌宮為諸宮之首周  
天十二宮計三百六十度是即中曆天周赤道

二十八宿三百六十五度奇也以十二宮分爲  
不動的月每宮三十度爲不動的度日月五星  
之行皆准其宮度之數矣然以黃道較於赤道  
宮度自有潤狹之變故太陽在於宮分日數各  
有多寡之殊其白羊戌宮三十度日行得三十  
一日即太陽行黃宮之潤也人馬寅宮亦三十  
度日行二十九日即太陽行黃宮之狹也其行  
各宮分之日數有多寡即行各黃宮日數之有

多寡也行十二宮計三百六十五日整即歲周  
之中積整日亦不動の日也尚有小餘約四年  
而積成日添於雙魚亥宮得三百六十六日為  
宮分有閏之年至一百二十八年而宮閏三十  
一日其歲寔比之四分之一為不及也以三百  
六十五日行十二宮分之度謂之中心行度以  
赤道橫絡天腹行於天之中也其并立成內  
距元之年月中行度即中曆推距元之年月



日赤道中積度也併得日中行度內減一分四秒乃為元之年宮分末日度應也假如不減則次年白羊宮第一日行度初分乃先年末日度分矣其曰最高行度者西曆日度起於午中蓋測於午中也日之東升至於午中其度最高過午則降而沉矣是以日日午中所測太陽行度謂之最高行度也一歲最高逆推始於午宮今之最高差於申宮即一歲夏至之午中也此謂

之最高是據一歲夏至午中行度之最高而該  
每日午中行度之最高矣故最高行度每年每  
月每日俱有之其曰當時測定宮度若干即為  
元之年白羊戌宮第一日距夏至午中所測太  
陽最高行度也已往歲差已在其中矣自後歲  
差則當每加也但中曆歲差總減於一年西曆  
歲差散增於月日其併總年零年月日之最高  
即併積年月日之歲差也西曆以最高加於當

時測定之宮度即中曆以歲差減於當時冬至  
赤道之宿次之中曆赤道宿次右旋故以歲差  
減其宿次則天道漸差而東西曆宮度亦自右  
行而以歲差加於最高行度此減彼加似乎不  
類然以最高行度減其中心行度而為自行度  
分則加亦減矣故其歲差之法同差於東也中  
曆減歲差於當時冬至宿度之前所以求得今  
日冬至宿次之度西曆加歲差於當時測定宮

度之前所以求得今日夏至宮度之始以最高  
減其中心行度為自行度即歲差減其赤道而  
入盈縮歷也假令不減最高行度則所求加減  
差數俱不相合如求白羊戌宮一日之差乃得  
夏至之前一日差數而非白羊戌宮極差二度  
四十七秒之加差矣其曰自行度者是日自行  
之度也日行黃道自有盈縮曆限即其自行宮  
度有加減差分以自行宮度之淺深而求加減

差之多寡即入曆限之淺深而求盈縮差之多寡西曆自行度以夏至起初宮夏至後盈縮曆故自初宮至五宮為減差以減其中心行度以冬至後行盈曆故自六宮至十一宮為加差以加其中心行度其減差自初宮初度至三宮二度而積差之極至於二度〇〇四十九秒即夏至後縮差至於二度四十分也此課二曆極差授時差多而西曆差少然差數雖有多少之殊

其盈縮相補無初彼此之異故以盈縮差而加  
減其中積度分以加減差而加減其中心行度  
則經度均得矣

月度

日經於天日行一度月離於日日行十二度奇  
故以朔寔除其周天而得一月月離之度又併  
一日行度而為平行度也然其行有遲有疾至  
周轉終日分而遲疾均平又以轉周起之約其  
轉終度分已一周天而過三度矣使限之以周  
天之度則不能以周其遲疾之數然欲周其遲  
疾之率所以過其天周之度也是月道之周轉

循星道之周曆皆因乎入曆之變而有遲疾之  
差故以遲疾之周而輪於入曆之度此月與五  
星之同也但五星之遲速又係於日故另立周  
率必起於合伏太陰之遲速不係於日故止用  
轉周每離於合朔此月與五星之異也然黃道  
出入赤道而月道又出入黃道故先求其黃白  
之交度而後推其赤白之交宿據其赤道之交  
度而變為白道之宿次以白道宿度之積而較



赤道宿度之周則白道之度約歛一度有半而  
參移於黃道宜亦一度有半矣故至三百四十  
九交而交道為之一周天也西曆之中心行度  
一日行一十三度一十分外三十五秒即中曆  
之赤道平行度一日行三十度三十六分八十  
七秒半也中心行度者一月一周天又多日行  
一朔之度一月與日一會也加倍相離度者去  
其日行度而為與日相離之度蓋月行一日除

日行度外離日十二度奇而一月一周也倍其  
相離而為一月兩周天之度猶以白道去黃道  
而起其兩遲疾之差也西曆求月與日相離度  
分是蓋求其白道與黃道相去耳既知月日相  
離遠近之數則得黃白內外相去之差矣故加  
倍相離取差之法必始於朔望加差起自初宮  
至於半象限而加差之積十二度餘及至象限  
之末則已消盡而無所加矣上下兩弦起於六

宮初度皆為減差至於半象限而減差之積十二度餘及至象限之末則已消盡而無所減矣然其加減差分在弦象前後為最多朔望前後為次之半象限之前後則為最消也其取積差在朔望之後為加在兩弦之後為減在朔弦望之日其差俱為少而在半象限之日其差最為多然加倍相離度分雖多而用差止於十二度半加減本輪行度以為本輪行定度則又任乎

緒線而有消息之用其行定度雖差十二度半  
求其二差又不過一度有餘而已是加倍相離  
度之相差止於一度有餘即黃白欽狹之變其  
差一度餘也其本輪行度月行一周天之度也  
一日行十三度○四分較之中心行度則不及  
積二十七日五五五而一周天較之轉周行  
度則不過其本輪周天之曆即遲疾轉周之用  
類乎星道之小輪心以求入曆之差猶乎中曆

之遲疾限而無三百餘之密其併立成之本輪  
度分即求轉積度也其減一十四分即加轉應  
術也減差起於初宮加差起於六宮自初宮初  
度而減差五分至一日而減差一度一分猶遲  
曆之差一度餘也至於七日行一象限減分雖  
少而減差之積極於四度五十分猶行遲曆損  
分雖少而遲差積多也至於五宮二十九度而  
減差消盡猶至轉終而遲分消盡矣自六宮初

度而加差五分至一日而加差一度一分猶疾  
曆之差一度餘之至於七日行一象限加分雖  
少而加差之積極於四度五十分猶行疾曆益  
分雖少而疾差積多也至於十一宮二十九度  
而加差消盡猶至轉中而疾分消盡矣如本輪  
行度一日行十三度四分本得減差一度一分  
又加一差三度餘之帶差一十二分總差一度  
一十三分是本輪遲疾之差一度一分而又帶

白道之差一十二分也故本輪定度行初宮而  
逢朔望則帶差分少逢半象限則帶差分多逢  
弦象則恰與一差雖相消而無所帶矣二差在  
減差而一差是加者隨之而為減二差是加差  
而一差是減者亦隨之而為加矣中曆疾曆起  
於轉初西曆減差起於初宮中曆至轉中而為  
疾曆西曆至六宮而為加差中曆遲疾極差五  
度有餘西曆加減二差五度不足何其加減所

起有初中之異而極差所得有多寡之殊蓋宮  
轉初中雖異其始而疾加遲減則同其理極差  
多寡雖殊其數遲疾相消則同其用矣取比數  
分與遠近度而求其逆差分者其比數分係於  
去日之遠近故當上下兩弦而積差至於六十  
分其遠近度由於本輪之周天是故當内外交  
象而積差至於二度半取其此數分數以求遠  
近度之多寡係於比數分之數而比數分之多



寡正所以權其遠近度之差也故以比較遠近  
極差相乘所得泛差度分亦止二度有半泛差  
之多每在於兩弦泛差之少每在於朔望故當  
朔望而泛差或主於無分秒蓋以本輪之初中  
會於朔望數值不足也主於上下弦而定差或  
主於加七度以本輪之交象會於兩弦而數值  
兩盈也以泛差度分加於二差總為定差然泛  
差雖皆為加而用差是亦有減二差是加者則

近差固爲之加矣二差是減者則近差不因之  
而減乎是加減定差有遲疾差之加減之極差  
至於七度有餘猶遲疾之極差至於五度四十  
二分也其減差十三日百餘而變爲加加差十  
三日有餘而變爲減即疾曆十三日奇而轉爲  
遲遲曆十三日奇而轉爲疾也其加減周日分  
秒既同於轉周日分而加減極差度分何異於  
轉周曆度○蓋西曆推得太陰遲疾加減已包

月道與黃赤道差在內所以就求得月離計都  
度就起得緯度中曆所推太陰加減止為合朔  
之用若欲起緯度必須另求月道與黃赤道差  
然後緯度可得所以西曆極差至七度有奇者  
蓋包白赤道差於太陰遲疾一轉之內而中曆  
止差至五度有奇者蓋置白赤道差於太陰遲  
疾一轉之外此其所以異也然其所得經度以  
加減定差而加減其中心行度則是加減其赤

道而命為月度也若授時則先以白赤差推定  
月道宿度已藏白赤差於宿之中故但以遲疾  
差而加減其月道宿度即得月度矣此其所以  
加減用差有二度之殊途而無累於一致之妙  
用也

## 五星經度

五星之行其遲疾也有本於星者有係於日者  
有由乎氣者如土木火度行遲金水星度行速  
此各星遲疾之殊本於其星之性情有緩急也  
及各行其道又視其去日之遠近而有遲疾之  
變差焉是以周率起於合伏近日則行疾遠日  
則行遲三合逢陽則留與日相衡則逆行順改  
度當加行逆改度當減遲疾一周加減適平復

與日相合謂之周率及各入其曆又因夫入氣  
之淺深而有盈縮之加減焉是以曆率始於冬  
至入陽曆則度行盈入陰曆則度行縮盈差則  
當加縮差則當減盈縮一周加減適平復會於  
曆初謂之曆率然曆率之盈縮又所以加減其  
周率之遲疾也三法具而步星之法益密矣中  
曆步星所以求星度已前距元日行天度為中  
積加所得中積已前各星與日相會之中積於

首所謂合應分也是為周率通積以周率去之  
餘得八段中積日分又換置八段平度分為中  
星積度此以周率而求其各星所至之平積度  
也又以曆應加於中積以曆率去之餘得八曆  
盈縮度分求其盈縮差數而加減其平積度分  
是為定平積度分也唯金水二星則有三之倍  
之之用矣西曆步星土木火三星各以自行度  
分減其日中行度分與為各星中心行度是以

日度與星度混推以日所行曆度過其各星度  
分即為各星行曆度分也如土星以二十八日  
自行度二十六度四〇減太陽二十八日中行  
度二十七度三十五分五十三秒餘五十五分  
五十三秒即為土星中心行度約二十八日行  
一度蓋二十八年一周天也水星以十二日自  
行度十度五十分減太陽十二日中行度十一  
度四十九分四十秒餘五十九分四十秒即為



木星中心行度約十二日行一度蓋十二年一周天也火星以二日自行度初度五十五分減太陽二日中行度一度五十八分一十七秒餘一度三分一十七秒即為火星中心行度約二日行一度蓋二年一周天也金水二星即以太陽一日中行度五十九分〇八秒為一日中心行度蓋太陽一歲一周天金水二星亦一歲一周天也其謂中心行度即授時中星行度也內

減各星測定最高行度餘為小輪心度其減各  
星最高行度即授時用其各星曆應也餘為小  
輪心度即授時所求入曆盈縮度分也視其小  
輪心宮度以取第一加減差分西法入曆起於  
夏至故自初宮至五宮為減差自六宮至十一  
宮為加差中法入曆起於冬至故自曆初至於  
曆中為盈差自曆中至曆終為縮差減差猶縮  
差加差猶盈差也授時水星入曆盈縮主象限

九十一度三十一分零盈縮俱差至五度九十  
九分金星入曆盈縮至象限盈縮差至二度一  
十三分水星入曆盈縮至象限盈縮差至二度  
二十八分土星入曆盈縮至象限盈縮差八度二  
十五分縮差六度二十八分唯火星入盈曆四  
其六十度八七六二五入縮曆八其一百二  
十一度七五二五盈縮皆差極二十五度六十  
二分俱至曆中則消其盈曆終則消其縮也西

法入曆小輪心度第一加減差木星至三宮初  
度與九宮初度加減差至五度五分金星至三  
宮初度與九宮初度差至二度一分水星至三  
宮初度至九宮初度差至二度四十三分土星  
至三宮五度與八宮二十八度皆差至六度一  
十九分火星至三宮四度與八宮二十七度差  
至十一度二十五分木金水三星俱至三九宮  
而為極差與至象限而盈縮極者同一道也惟

土星火星之差則各有不同焉大抵自初宮至  
五宮則減無所減自六宮至十一宮則加無所  
加矣推得第一加減差分以加減其小輪心度  
而為小輪心定度是蓋以其入曆之平積而為  
定積也又推自行度以取第二差而為之加  
減其曰自行度者乃其自行遲疾一周之度假  
令土星以一日自行度五十七分通為九十五  
分除周天三百六十度得周率三百七十八日

木星以一日自行度五十四分通為九十分除  
周天度得周率三百九十九日火星以一日自  
行度二十八分通為四十六分除周天度得周  
率七百八十日金星以一日自行度三十七分  
通為六十一分六除周天度得周率五百八十  
三日水星以一日自行度三度〇六分通為三  
度一十分除周天度得周率一百一十五日乃  
是五星自行度之周天即授時之周率也以立

成總年零年月日自行度併者即求周率之積  
度也五星之求自行度各有減分亦授時之推  
周率各星加周應之術也又以第一加減差加  
於小輪心者則減於自行度減於小輪心者則  
加於自行度而為自行定度蓋小輪心度係減  
其自行度者故減其小輪心之差則當加於自  
行度之內加於小輪之差亦當減於自行度之  
中彼減此加不容已也交互相求無假借也是

自行定度視日相離之遠近而定行曆之遲速  
其立成不論各星周率之數有多寡皆爲周天  
三百六十度者蓋以周率日數分配周天度分  
周率一轉即謂周天所以爲求差之用而非是  
以爲行天之度也其起初宮即起合伏度段但  
其用數各立一術不能無相距之差耳行至三  
宮而積差多者行疾段也及到五宮乃至遲番  
而差數消矣所以初宮至五宮則爲加差也起



自六宮則行遲段主於九宮而積遲亦多矣及  
主十一宮近於合伏而又消其遲所以六宮主  
十一宮為減差也土星主三宮三度與八宮二  
十七度極差至五度四十分木星主三宮十二  
度與八宮二十二度極差至十度二十三分火  
星主四宮七度與九宮十九度極差至三十六  
度四十五分金星主四宮六度與七宮十五度  
極差至四十四度五十八分水星主三宮十九

度與八宮十三度極差至十九度五十六分是  
為第二加減差即周率遲疾度分之變差也然  
其差數比授時不及故又求入泛差則其數齊  
矣蓋二差是遲疾有常之差泛差乃增減無定  
之差故因其本輪入曆盈縮之數分自行去日  
遠近之度數推以其本段無定之泛差而得其  
遲疾減加之率○併於二差之內而為加減  
定差以加減其小輪心定度而得其入曆定積

度分又加以各星之最高行度即授時之加其  
各星度應也由是而如法命之則經度於此而  
得矣

### 五星緯度

五星本輪心度即星道也其自行度即各星離  
太陽之黃道度也星道交於黃道土木火三星  
則與金水二星有異土木火之星道約有定宮  
以為交金水之星道則無定度而過交矣若黃

道之各宮度分則皆星道隨交之處也是故太陰有九道之交以其距黃準於六度故至於二百四十九交而交道為之一周此星道之交黃十二宮亦如太陰之九道也但星道之距黃道據交以定遠近雖有相距之數隨交以推遠近則無常距之度故星道之交宮不但止於十二度有三百六十則交亦有三百六十矣其為道也屢遷雖至萬萬寧有窮乎然星道與黃道之

交在黃道之初宮則緯差少在黃道之六宮則緯差多至於在黃道之十一宮而差復如初矣以相距黃道之遠近而交之則近黃之差多而遠黃之差少以出入黃道南北而交之則黃南之差疾而黃北之差遲以逆行交道而考之或出黃而為勾或入黃而為己是又逆行出入黃道南北之別也土星本輪心度在一七兩宮為星黃之交四宮與十宮為星黃之距四宮緯度

自二度○四以至於二度四七皆為距南之極  
十宮緯度自二度○二以至於二度四九皆為  
距北之極木火二星本輪心度皆在三九兩宮  
為星黃之交五宮十一宮為星黃之距木星五  
宮緯度自一度○以至於一度三九皆為距南  
之極十一宮緯度自一度○一以至於一度五  
六皆為距北之極火星五宮緯度自初度五五  
以至於六度四一皆為距南之極十一宮緯度

自初度四十分以至於四度〇七皆為距北之  
極是三星交黃約有定宮而距黃亦隨有定宮  
矣若金水星黃之交則不然金星本輪自六宮  
而五宮與十一宮及十宮為黃初之交四宮十  
宮為黃一之交三宮九宮為黃二之交二八交  
於黃三一七交於黃四初六交於黃五又用五  
宮與十一宮為黃六之交四宮十宮為黃七之  
交三九兩宮其交在於黃八二八兩宮其交在

於黃九一七宮為黃十之交初六宮為黃十一  
之交水星本輪自六宮而五宮十一宮與十宮  
為黃初之交四宮九宮為黃一之交三八交於  
黃二二七交於黃三一六交於黃四初五交於  
黃五五宮十一宮其交在於黃六四宮十宮其  
交在於黃七九三交在黃八八二交在黃九七  
宮與初宮為黃十之交六與十一為黃宮十一  
之交金星黃北至七度一三黃南至七度五一



水星黃道南北俱至四度四分星道既無交黃  
之定宮則距黃自無南北之定度但隨其交之  
初中以為南北之距耳土星本輪一宮直較交  
黃道初宮之北緯度初段二十二分至於較其  
逼黃一條內分出交出黃道六宮之北緯度初  
段二十八分又至於交其交出黃道十一宮之  
北復得二十一分木星本輪三宮交黃道初宮  
之南緯度初段一十三分至於較其交出黃道

六宮之南緯度初段二十一分又至於較其交  
黃道十一宮之南緯度初段復得一十三分火  
星本輪三宮交出黃道初宮之南緯度初段初  
度○三至於較其交出黃道六宮之南緯度初  
段初度○三至於較其交出黃道六宮之南緯  
度初段初度二十九分又至於較其交黃道一  
十一宮之南初度○二金星本輪六宮交出黃  
道初宮之南緯度初段初度一七至於較其初

宮交出黃道六宮之南緯度初段一度一九又  
至於較其初宮交出黃道十一宮之南緯度初  
段初度一三水星本輪六宮交出黃道初宮之  
南緯度初段初度二一至於較其初宮交出黃  
道六宮之南緯度初段初度四五又至於較其  
初宮交出黃道十一宮之南緯度初段初度二  
四是星與黃交在黃初則緯差少黃六則緯差  
多也橫較土星黃北初段緯差四十四分至於

極北末段緯差得一木星黃南初段緯差三十  
一分至於極南末段緯差得六火星黃南初段  
緯差一度一十分至於極南末段緯差得三十  
一金星本輪七宮交出黃道初宮之南初段緯  
差一十五至於極南末段緯差得四又自初宮  
交出黃道六宮之南初段緯差一度二十四分  
至於極南末段緯差得四水星本輪自六宮交  
出黃道初宮之南初段緯差三十四分至於極

南末段緯差得壹又自初宮交出黃道六宮之  
南初段緯差三十五至於極南末段緯差得十  
是近黃差多而遠黃差少也土星以黃北初段  
緯差四十四分而較黃南初段緯差五十六分  
是南疾一十二分水星以黃南初段緯差三十  
二而較黃北初段緯差二十八分是南疾四分  
火星以黃南初段緯差一度一十分而較黃北  
初段緯差四十六分是南疾二十四分惟金水

二星亦多有南遲而北疾但取其南北段數相  
均而較之金星自行三宮黃南初段緯差三十  
七分黃北初段緯差二十六分是南疾一十一  
分水星自行七宮黃南初段之緯差四十九分  
黃北初段緯差三十四分是南疾一十五分此  
皆黃南差疾而黃北差遲也大抵土木火三星  
交度差不多所以在黃道外者常在黃道外在  
黃道內者常在黃道內故其緯度之變更一譜

可得而盡也若金水二星交度差多所以前交  
在黃道內者至第二交即轉而在於黃道外矣  
前交在黃道外者至第二交即轉而在於黃道  
內矣故必須作內外兩譜以盡其緯度之變更  
也

五星合伏之度或於黃近或於黃遠或在黃南  
或在黃北但每同經度而於緯度不易同也若  
經緯相同則當星黃之交矣交是星與黃交合

是星與日合非一事也



盈虛解

六紀三百六十日一歲之常率也天與日會則  
氣周一年二十四氣氣積三百六十五日二千  
四百二十五分是於常率三百六十之外多五  
日二四二五謂之氣盈即古曆所謂沒也以二  
十四氣均氣積得每段氣策一十五日萬二一  
八四三七五是每段氣盈出二一八四三七五  
以三百六十日均氣積得每段一日一百四十

五分六十二秒五是每日盈出一百四十五分  
六二五積六十九日盈出一日有餘分故七十  
日有一沒一年之內有五沒二四二五也日與  
月會爲合朔一年十二月朔積三百五十四日  
三六七二六是於常率三百六十之內少五日  
六三二八四謂之朔虛即古曆所謂減也以十  
二月均朔積得每段朔寔二十九萬五三六五  
九三是每段月朔去四千六九四〇七四以三

百六十日均朔積得每段九千八百四十三分  
五三一 是每日朔去一百五十六分四六九積  
六十四日內縮內去一日有餘分故六十四日  
有一減一年之內有五減六三二八八四合併  
氣盈朔望謂之閏得一十。萬八千七百五十  
三分八四是一歲之閏餘分也

置正德庚辰年

食甚近時

據午正太陰行過太陽度分即月不及日相距之度分也以全日二十四時而乘其度分以為開平方法之積度另置太陰日行度分內減去太陽日行度分則太陰與太陽之行分齊矣餘為太陰行過太陽之度分也以本日太陰行過太陽之度分為時法即開平方之從長以除其積度所得之數皆滿拾之數故又以通法六十

通為分秒然後為食甚泛時分秒之日分二十四時行揔一百八里求追行二十七里幾時可至其法以揔時乘零里得積里以揔里除積里得零時

置二十七里以二十四乘之得六百四十八里以一日所行一百八里為一時之數除之得六時追至食甚泛時之通分與太陽日行度之通秒相乘得數為微又以二十四除之

然後為微者蓋日法六十分時法亦六十分  
以一日作三十四時故用時數二十四乘日  
法六十分其得時分一千四百四十分今甲  
戌年食甚逆時五十八分是以二十四所乘  
之分與太陽日行度相乘則與一日之太陽  
度分相乘矣故其得數又以二十四除之然  
後約為分秒乃得食甚逆時太陽所行度分  
也

定朔

日月相會於經度謂之合然日有盈縮之殊月有遲速之異或日盈而月遲或日縮而月遲或日縮而月疾或日盈而月疾四者之變無窮而其合不容於易步有非經朔之所能盡而定朔之所以當究也如日行盈曆而過其經朔月行遲曆而不及經朔一盈而一不足則併日盈分於月遲之內總為月不及日之度分俟月行追

及乎日方為合朔然月行補得不及日之度分而日又行過月補不及日之分矣又得月行以補之其數莫齊也故法以月行度分內減去日行度分以其餘月行度分與不及日之度分相除則得月追及日之日行分也以其日行分為定朔加差而加於經朔日分則為定朔分矣如日盈縮曆不及經朔又月行遲曆亦不及經朔兩數皆不足以惟求月與日合日不及經朔之



分在所不用故以月行遲曆之內減去日行縮  
曆得月不及日之度分亦俟月以追及之故如  
前法以求其定朔加差也其所推之法以月行  
度分內減日行度分而求相合者假令一人行  
遲日行一百里一人行疾日行一百三十里行  
遲者先發三日已行三百里而行疾者方發行  
則行疾者不及行遲者已三百里矣求其相會  
要追及之然疾行者一日行一百三十里而遲

行者亦又行一百里以疾行一百三十里之內  
減去一百里而每日之行與之相齊餘三十里  
為疾行者每一日追上之數也故即以一日行  
三十里為法而除不及三百里則得一十日而  
與之相會矣如日行縮曆不及經朔月行疾曆  
過於經朔一盈而一不足則併月疾於日縮之  
內總為月行過日之度八是月先已會過日矣  
須減月行過日度分方得合朔然減得月行過

日之度分而日又不及月行過日度分之日分  
矣又減得月行度分以齊之也故法以月行度  
分由減去日行度分以其餘月行度分與行過  
日之度分相除則得月行過日度分之日行分  
矣以其分數為定朔減差減其經朔日分則為  
定朔分矣如日行盈曆過乎經朔月行疾曆不  
過乎經朔兩數皆盈矣今求月與日合日過經  
朔之數在所不用故以月行疾曆之內減去日

行盈數得月行過日之度分亦當減其月行過日之度分故如前法以求其定朔減差也其所推之法以月行度分內減日行度分而減求相合者如一人行疾日行一百三十里一人行遲日行一百里今疾行者行一千三百里遲行者行一千里要推其前何日相會而發行以疾行一百三十里之內減去遲行一百里餘三十里為疾行一日之過數疾行積一千三百里減去

遲行遲行積一千里餘三百里為行過之日積  
數以每日行過三十里除之得一十日為相會  
在一十日前也夫日盈與月遲及日縮與月遲  
皆為月不及日並為不足故為加差日縮與月  
疾及日盈與月疾皆為月過於日並為數盈故  
為減差以之加減經朔而為定朔則日月錯行  
之不齊者以有教於齊之之術步合至此而益  
為密矣

時差

定朔之法固有以齊其日之盈縮月之遲疾矣  
然推日食又有時差分以加減定朔者豈定朔  
之法有未密耶蓋據午地以論日食如食在午  
前者日在東而月在西來以奄之則未及黃白  
度分相奄而人在地中斜視先以見食及至黃  
白度分相奄則或食過矣如地之偏東者又方  
見食也故午前日食則見食早而當減其午前

分也在午後者日在西而月在西來一萬二千  
年後差半周天則前時冬至度已作夏至度而  
入赤道又二十四度矣較其緯度相去共差四  
十八度天納二萬四千年而為一復矣黃道既  
移而五星只是隨黃道出入不過七八度可見  
五星聽命於日也

五星經度疾遲晉逆伏見隨日遠近而緯度之  
出入亦隨乎日之遠近蓋日居也五星臣也故

其聽命有如此若月之將朔弦望固隨日之遠  
近至於黃赤反復其道出入黃道相距六度亦  
未嘗紊亂是緯度之變亦隨乎日之南北也但  
日為君而月象后其遲疾之行則自其有所專  
制而不若五星之盡聽命於月耳

唐荆川曰各曆所命赤道經星度分以赤道南  
北二十八宿當黃道者取為距星測而命之此  
雖歷萬古而不可變也若各曆之黃道宿次度



分則因歲差改移其出入赤道南北緯度之變  
積有四十八度之差又當隨其時之變差而更  
命之此雖未及百年而不可以為常也

中曆交黃道二日後總交春分秋分後二日總  
交黃道西曆日入白羊戌宮是春分前二日交  
黃道之日分內減之也所以用經朔盈縮曆與  
日食甚定分相併然後以經朔日分減之則食  
甚定分之當加者隨之而加當減者亦隨之而

減矣此只是以食甚日及定分而加減其經朔  
曆以為日食甚入盈縮曆日分也

日食定用

以二十分與日食一十分相減相乘得積一百  
平方開之得一十分若與日食九分相減相乘  
得積九十九平方開之得九分餘若與日食八  
分相減相乘得積九十六平方開之亦得九分  
餘以至於日食一分與二十分相減相乘得積

一十九平方開之得四分餘是食分每減一分  
其相乘方積每次消息之數皆以奇數一三五  
七九十一十三十五十七十九為序也開方所  
得徑數即日徑之數也然日徑得十分度之七  
故當以七乘徑數如日徑十分止得一度之七  
十分之法以五千七十四分乘徑數者蓋太陰  
限數得日八百二十分以日徑七乘八百二十  
得五千七十四也以五千七十四乘徑數訖正

得太陰限數換其本限下太陰遲疾限行度內  
減日行八百二十分以其餘為法而除之得太  
陰來毫太陽之日分也是用以推食之定分故  
為定用分用減食甚即為初虧用加食甚即為  
復圓也

## 歲差

古曆天周三百六十五度四分度之一歲周亦三百六十五日四分日之一天周而歲終日有常度而度有專氣黃道赤道混而為一未始有所謂歲差也然天道平連而舒四分之1有餘日道內轉而縮四分之1不足天漸差而西日漸差而東每歲不能無差也據堯典冬至日在虛昏中昴月令冬至日在斗昏中壁月令中星

不宗堯典其季月中星與堯典之仲月中星多  
合者此乃歲差使然耳或謂夏四百三十二年  
日差五度商六百二十八年日差八度周訖春  
秋日差八度戰國反秦日差三度此曆差之可  
證也西漢太初曆謂冬至日在牽牛初史官考  
諸中星知曆已差五度而閏不加察猶以天周  
謂歲終也東漢始有黃赤之異賈逵謂冬至在  
斗十八度晉用魏景初曆太始三年其冬至

日在斗十六度宋用元嘉何承天曆其冬至日  
在斗二十一度論冬至日月經宿一定不移不  
知今歲之日躔在冬至者視去歲冬至之日躔  
常有不及之分至晉虞喜始覺其差以天為天  
歲為歲乃立歲差之法以追其變約以五十年  
日退一度其失太過宋何承天倍增其數以百  
年退一度又不及至隋劉焯折取二家中數  
以七十五年退一度然歲差有自然之數諸家

皆以已意或倍或折豈能得其寔耶唐一行以  
為日躔於一歲之間行周天度未偏餘分而日  
已至為每歲若有不及之分故一度為三千四  
十分其所差之分一歲三十有六大積至八十  
三年則差一度又推帝堯演紀之端冬至日在  
虛一度夏至在柳十四度春分在胃十二度秋  
分在戌十度其鳥火虛昴皆以仲月昏中合於  
堯典當開元冬至日在斗十度夏至在井十六



度春分在奎七度秋分在軫十四度至宋統元  
曆以七十九年差一度冬至日在斗二十度夏  
至在井十八度春分在奎初度秋分在軫七度  
自後各曆歲差增減不同惟授時以為百年而  
差一度半可謂精密至我

皇明嘉靖壬寅冬至日在箕六度或疑日度歲  
差常退無進由古迄今不幾於四時易位矣一  
行謂歲差者日與黃道俱差是也

論二道歲差東退

或疑據曆章冬至赤道嘉靖庚寅年在箕六度  
二六五次年辛卯在箕六度二五二年相減得  
赤道歲差每一年向東退行一百五十分冬至  
黃道庚寅年在箕五度七七五次年辛卯在  
箕五度七五六二年相減得黃道歲差每一  
年向東退行一百三十八分又或有退行一百  
三十九分者以本年黃赤二道相減不及赤道

一十一秒是赤道退數多黃道退數少又據庚寅年黃赤二道相減止距四十九分四五次年辛卯黃赤二道相減止距四十九分三三則每年相進一十一秒黃道退數遲而赤道退數疾黃道在箕五赤道在箕六黃道退在赤道之東赤道在黃道之西大約四百餘年而赤道東移與黃道同度自後赤道退差於黃道之東而黃道又退進於赤道之西疾者在前而遲者在後

追莫及矣二道相離每年一十一秒約積一千  
年而差一度十八萬年而差一百八十度二道  
相去衡分天體仍以黃道之冬至為冬至則赤  
道之冬至在於夏至二道反復冬至日行赤道  
之北夏至日行赤道之南冬夏長短理所然也  
是豈謂黃道與赤道隨差而不至於冬長夏短  
乎由是而觀以虛宿起子中者妄也以冬至起  
虛宿者亦妄也造化之妙不容於易談使非至

神其孰能與於此

據曆推步黃赤及覆冬長夏短數所必然但天地之氣冬日南故晝短而時寒夏日北故晝長而時熱萬物之生成由于時之寒熱然時之寒熱係於晝之長短日之南北也蓋日北而晝長時仍當為夏日南而晝短時仍當為冬日夏長冬短理之一定者也演曆至於冬長夏短要在隨差之漸而循改其數以合於冬夏之名耳豈有

冬長夏短之時乎

論二至日度盈縮

赤道當天之腰圍而黃道出入赤道各二十四度則黃道冬至之去南極與夏至之去北極其相距之數均也去極之數既均則其度之歛狹亦同矣冬至日行黃道一度零五分則夏至日行黃道亦當一度五分今按夏至日行黃道不及一度似乎冬至之度狹而夏至之度濶是豈

去極之度不均而歛狹之數有異乎抑冬夏太陽之行有盈縮之殊乎孰不知天地陰陽之氣有升降而太陽之行亦隨之而有升降故耳自冬至以至於夏至陽之升也太陽自赤道之南而升於赤道之北近於嵩高則於人為遠自夏至以至於夏至陰之降也太陽自赤道之北而降於赤道之南去嵩高為遠而於人為近在  
地中觀其行度近於嵩高太陽若行於輪廓而

其度北中心赤道為濶於人為近太陽若行於  
輪心而其度北中心赤道為狹是黃道有南北  
升降邪正濶狹之殊故以赤道而較之則冬至  
日在狹處為行一度有餘謂之盈曆夏至日在  
濶處為行一度不及謂之縮曆是日度有盈縮  
之殊乃日道有升降之所致也故即其升降之  
差而入以招差之術則盈縮之差俱可以求得  
之矣



論會轉交同異

或問月自初會日后與月相離至再會日可即  
謂周轉否曰非也此乃是月與日曆二十九日  
餘周天約三百九十餘度也若周轉曆二十七  
日餘周天約三百六十八度餘是也日轉即交  
否日轉雖行於交道然轉又非交也交止三百  
六十三度餘以轉交相較轉多四度半矣

語錄

中法入曆以冬至加時為始西法入曆以夏至  
加時為初中曆歲首以寅建朔日為始西曆歲  
首以戌宮一日為始中曆定星以子中西曆定  
星以午中中曆交戌宮初度宿有定度西曆交  
初宮初度度無定宿中曆以日為主天會日則  
成歲歲分節氣而無定氣月會日則成朔朔置  
閏餘而無定閏西曆以天為主天分十二定宮  
常以戌宮為首是以春分為首節氣有定則不

必推氣故不用二十四氣以日分屬宮分不必  
推日故不推中積以月流配宮分不必置閏故  
不推閏餘入政之行但推某宮某度不用二十  
八宿其用七曜日一月二之數即曆紀甲子其  
立成閏日在何年月撥七曜之數即可得而知  
之矣

唐荆川曰日與天會而成歲故以日不及天之  
分秒謂之歲差是歲差者日差也然五星之行

雖遲速各有不同以歲寔為周曆之日以周天  
度無有不及故無歲差

唐荆川云歲差古無而今有前遲而後數亦氣  
化之漸滴也

唐荆川云月道每移一度四十分為交日道亦  
交於赤道亦因歲差移動但其差甚微耳

冬至黃赤道有二十四度之差而黃道在赤道  
外所以黃道歲差比赤道歲差少一十一秒此

斜直之別也

中曆星宿不動冬至動而退西曆冬至不動星  
宿動而進如大統一百年前冬至在箕宿七度  
六十分成化丁酉歲前一百年後冬至在箕宿  
五度五十六分計退一度五十分而箕宿之度  
未嘗動也西曆一百年前冬至在寅宮初度一  
百年後仍在寅宮初度其百年前之寅宮初度  
非百年後之寅宮初度矣假令百年前之寅宮

初度乃箕宿七度六十分百年後之寅宮初度  
乃箕宿五度五十六分不換宮而換星不退冬  
至而進星二曆立法不同其歸則一也

中曆以天不動六十餘年為日不及天一度西  
曆以日不動六十餘年天過一度考日南至北  
主須正子午之位春分秋分須當地平環上平  
分天地東西相直之位則謂日未嘗退而天行  
過度亦甚有理也然今天行一日一周而過一

度則六十餘年亦只是天行過一度耳

問日行一度謂日不及天一度是謂天周而日  
周不及一度乎抑謂日周而不及天周過一度  
乎曰據昨日午中太陽晷影至今日午中太陽  
晷影漏水每得百刻是日一晝一夜一周天無  
餘欠也據今日夜半窺筒中星得昨日夜半窺  
筒中星漏水未及百刻至於百刻而已過一度  
是天一晝一夜一周而過一度也蓋天過一度

而謂日不及天一度耳非謂天周而日周不及  
一度也若不據日晷不可以知日之一周天不  
據星筒不可以知天之過一度無惑乎謂天周  
而日周不及矣

曆始於黃帝而箕立於容成是曆箕初創而未  
能有一定之法也三代而下造曆羣賢各有增  
創如太初起之以律而候氣於黃鐘大衍符之  
以易而較數於分秒授時准之以晷而測驗於



儀象是今日愈精而愈密矣或謂古曆有一定之法蓋不知曆而云耳

唐荆川曰經度黃道歲差約百年差度半積一千年差一象限一萬二千年差半周天經度差一象則緯度當差二十四度假令冬至日在斗出赤道二十四度六千年後差一象限則前時冬至度以作春分度正與赤道交緯度差二十四度矣經度差半周天則緯度當差四十八度

假令冬至日在斗出赤道二十四度以奄之則  
黃白度分雖奄而人在地中斜視猶未見食如  
地之偏西者或先見食也必俟月行更東則地  
中斜視方終見食故午後日食則見食遲而當  
加其午後分也所以立時差分法以加減定朔  
而為日食甚定分是時差之立蓋因人在地中  
見食之故非敢謂合朔之法未密而又為之加  
減也

日食甚入曆

日入盈縮曆分是因經朔而求得者也至推定朔而有加減差分以加減其經朔則又當以加減差分而加減其盈縮曆分以為定朔入盈縮曆日分也然推日食定朔之外又有食時差分加減定朔以為食甚定分是又當以食甚定分而加減經朔盈縮曆分為日食甚入盈縮曆日分也故推太陽食甚入盈縮曆分之法置經朔

盈縮曆日及分以食甚日及定分加之以經朔  
日及分減之蓋以日食甚日定分較之經朔日  
及分則曆有多寡之殊而法有加減之異如食  
甚定分多如經朔日分以食甚定分內減去經  
朔日分以其餘為加差加於經朔盈縮曆分而  
為食甚入盈縮曆日分是矣如經朔日分多如  
食甚定分則食甚定分不及減矣其不及之數  
當於經朔盈縮曆日也或有在前三日者中曆

相距日或有八十八日或有八十九日故也

要求盈縮入曆何故必用減耶最高行度此意  
只為歲差積久年年欠了盈縮分却將一箇日  
中行度那一段去補那年年欠數剩下的度分  
方為所求日行入曆度分用推盈縮曆差方應  
得所求日行盈縮差度

西曆不置閏月約至三十四年而兩正月如不  
完元時以前正月為本年乎抑以後正月為本

年乎其曰本年月分有閏日本年月分無閏日  
要當據其前後以為之加減也否則豈不致於  
誤減其閏日乎是西曆雖無閏月而有閏年年  
須據其元以明其何年為閏或以中曆而較其  
閏在何年庶不致差加其閏月而七政中心行  
度皆不致於差求矣或謂不置閏月則年計混  
亂終不如中曆之之置閏也殊不知年計以官  
分定氣為准又安在於閏定時而成歲乎

中曆黃道寅申度狹己亥度濶以分至去極近  
交之故也西曆以白羊戌宮之類為不動的月  
而每宮分屬日數則其濶狹宮分似乎不容變  
矣故以白羊戌宮為春正第一日則對冲天秤  
辰宮為秋正第一日而冬夏二至亦為定度於  
寅申之初矣然歲差東移積差至久宮分濶狹  
豈容不變乎蓋其以宮為活隨歲變遷但不可  
以白羊之像專係於初宮若二分宮分之濶二

至宮分之狹雖歷千古而不容變者也

或云曆法光太虛以見三百六十五度四分度之一——一定位然後論天行以見天度加虛度之歲分歲分既定然後七政乃可齊耳其說與回回曆法蓋默有相契者矣金水星黃二道互相偏交星道如出黃初之南為入黃六之北如出黃六之南為入黃初之北所以作譜反用黃道兩周乃盡出入黃道南北緯差之變若土木



火之星道交有定宮只用黃道一周西南北緯  
差之之變已盡矣火星周遠而差多故分二譜  
其寔非用黃道二周也

唐荆川曰月與土木六宮半周天而一交火星  
行二百七十五日曆四宮而一交金星行一百  
十七日曆四宮而一交水星行四十餘日不勻  
二宮而一交

五星疾遲留逆段日平度雖各不齊但殊於周

率之內而不差於周率之外其周率平行度分  
又有盈縮加減以為定度然盈縮相消亦只以  
平行度為寔耳

唐荆川曰作厝造月道而不造星道蓋未備事  
也然星道以經度去日之遠近為緯度距黃之  
濶狹況經度之自逆而順又成緯度之勾已是  
星道委曲萬殊所以不容於易造也

唐荆川曰中厝金水先日而日追合之故限度

段整用周率度火木土後日日行一周而後追  
合之故限度段除去日周止用餘數限度段加  
一日周始於周率合金水先日所以有退合火  
木土原不及日退則與日益遠所以無退合金  
水先日所以先夕見火與水後日所以先晨見  
凡先日皆夕見不及日皆晨見也

唐荆川曰西曆太陰五星譜土木大約百八十  
度而半遲疾故一度當一度所謂十二宮者真

是十二宮也月三宮而半遲疾故用加倍相離  
所謂二十四宮者乃十二宮也水星兩宮而半  
疾遲故用三倍相離所謂十二宮者乃四宮也  
火星三百六十餘度而半遲疾故曰止半度所  
謂十二宮者反是二十四宮也西曆作此齊譜  
無非欲便於算法自初宮至五宮為加六宮至  
十二宮為減之二句耳非有深奧義也

唐荆川曰五星緯度自行定度止於一百二十

度是以一百二十度該十二宮也每宮止得十  
度小輪心定度止於六十度是以六十度該十  
二宮也每宮止得五度所列一百二十度六十  
度仍作譜而約其宮度之號數非星所行之寔  
度數也其立推步之法不過是變其得經宮度  
以合於緯度之譜而求其緯度耳其知緯度之  
變而作譜之意又在於外也

五星入曆遲疾與太陰之轉周同但五星又因

太陽而有遲疾不與太陰同也

唐荊川曰土木火三星因行度遲則周率遲金  
水二星因行度速則周率速

加倍相離度一日行二十四度二十四分差三  
度二十七分如本輪行度十三度〇三分共一  
十六度半得第二差一度一十七分又以比較  
二分乘遠近三十四分得一分〇八秒共得為  
太陰遲疾行一度一十八分

唐荆川曰太陰第一第二加減如母子得子則不用母五星第一第二加減如兄弟相併而各致其用

月緯立法妙絕月初交黃道則南北之度遠去黃道遠則南北之度近矣月初交黃道每經度十二差緯度之一至象限滿處三十一度差緯度一

月五星諸昏從與日合度初交黃道處做起經

緯度皆合於日是起處也

圓固西域焉可之地年號阿剌必異人馬哈麻之所作也其元起於隋開皇十九年己未之歲其法常以三百五十五日為一歲歲有十二宮宮有閏日凡百二十八年閏三十有一日又以三百五十四日為一周周有十二月月有閏日凡三十年閏十有一日歷千九百四十一年而宮月甲子再會其白羊宮第一日日月五星之



行與中國春正定氣日之宿直同其用以推步  
分經緯之度著凌犯之占曆家以為最密元之  
季世其曆始東逮我

高皇帝造大統曆得西人之精於曆者命欽天  
監以其曆與中國曆相參推步迄今用之今按  
歲之為義於文從步從戌謂推步從戌而起也  
白羊宮於辰在戌豈推步自戌時見星為始故  
歟

洪武壬戌十二月授翰林編修馬沙亦黑馬哈  
麻敕文謂大將入胡都得秘藏之書數十百冊  
乃乾方先聖之書我中國無解其文者聞爾道  
學本宗深通其理命譯之今數月測天之道甚  
精詳二人在翰林九十餘年豈所譯者即此曆  
書歟

九執曆出於西域唐開元六年詔太史監瞿曇  
悉達譯之斷取近距以開元二年二月朔為曆

首度法六十月有二二十九日餘七百三分日  
之三百七十三曆首有朔虛分百二十六周天  
三百六十度無餘分日去沒分九百分度之十  
三二月為時六時為歲三十度為相十二相而  
周天望前曰白博義望後曰黑博義其筭皆以  
字畫不用籌策